

ريالتي تي في " قصص حسن وسوء الخاتمة " | من أقوى

الدروس | #كلمات_التهجد | د. حازم شومان

حازم شومان

سلام عليكم. الحمد لله وكفى صلاة وسلاما على عباده الذين اصطفى. اللهم لك الحمد كله لك الملك كله وببيدك الخير كله واليك يرجع

الامر كله. اما بعد اخوانا واخواتنا في الله واحنا في ليلة سبعة وعشرين والليلة دي فرصة قبل - 00:00:00

تتكرر يعني كم واحد صلينا عليه يا اخواني في الله من ايام؟ وكم واحد صلينا عليه قبل الليلة دي بساعات؟ وكم واحد صلينا عليه قبل رمضان وانت ربنا بلغك الليلة دي. وانت ربنا بلغك الاوقات الفاضلة دي. ما نضمنش ان السنة الجاية نبقي في نفس الليلة دي.

السنة الجاية يا جماعة تقابلنا هنا - 00:00:20

وجبنا اربعة من اصحابنا كفناهم واتكلمنا في حوار معهم. واتخيلنا ان اربعة مننا ماتوا فجأة واتكلمنا معهم. السنة دي احنا مش محتاجين نتخيل لان قصص الخواتيم بتاعة الشباب اللي بيموتوا فجأة مخليانا مش محتاجين نتخيل ان حد مات وهنتكلم معه. احنا

هنتكلم - 00:00:40

النهاردة ريال تي في عارفين الريال تي في هنتكلم النهاردة هنتكلم الليلة عن قصص الواحد مننا عاشها. انا عشتها واخواني عاشوها وانت ممكن تلاقي نفسك وانت ممكن تلاقي نفسك قصص منها عشتوها. اخواني في الله احد اخوانا على طريق الساحل الشمالي.

وهو - 00:01:00

هو مسافر عارفين الساحل الشمالي وما ادراكم ما الساحل الشمالي وحفلاته وحفلات جولف بورتو وشاب من الشباب منطلق ما بيفكرش غير في الرحلة ما بيفكرش غير في الحفلة اللي رايحها. وهو منطلق بالعربية على طريق الساحل. يعمل حادثة العربية

تتطبق. العربية بقى الصفيح بتاع - 00:01:20

هعمل زي كورة والشاب محبوس جواها. انا بفكرك ثاني. الكلام ده ريلتي فيه. القصص دي كلها قصص حقيقية حصلت القصص دي

كلها قصص حصلت بالفعل وقصص ممكن اقول لك على المكان اللي حصلت فيه بالزبط - 00:01:40

الله يرحمه العربية بتاعته اتطبقت بقت عاملة زي كرة حديد وهو محبوس جواها. قعدوا ينشروا العربية ثلاث ساعات بالمنشار عشان انشروا الصفيح عشان يطلعوه منها. مات قبل ما يطلعوه منها. صاحبي بيقول لي الكلمة اللي كانت طالعة من جوة العربية من الشاب

ده وهو بيموت - 00:02:00

تخيلوا يا شباب تخيلي معي ايه الكلمة اللي ممكن يكون كان بيقولها من جوة الصفيح؟ ايه الكلمة اللي كان ممكن كان بيقولها وهو بيموت في الموقف ده عارف كان بيقول ايه. كان بيقول انا مش عاوز اموت كده. انا مش عايز اموت كده. اللي مش عايز يموت كده -

00:02:20

ما يعيش كده. مات كده فعلا. مات الله يرحمه قبل ما يطلعوه من العربية. ولكن انا عايز اقول لك ان الكلمة دي مش كلمة شباب كثير

وهو بيموت. ده كلمة - 00:02:40

شباب كثير عايش عارف المغني اللي في حوار معه. المزيجة بتقول له انت نفسك في ايه؟ قال لها اقول لك بس ما تسألينيش بعدها.

انا مش عايز اموت كده كم واحد فينا عايز يموت كده يا جماعة؟ خواتيم شبابنا. خواتيم شباب لا اله الا الله بقى شكلها ايه؟ احد

اخوانا كان معدي قدام - 00:02:50

قدام بوابة اتنين في مارينا. وهو معدي لقي اتنين شباب. كانوا عاملين شنطة العربية صندوق خمر. صندوق خمرة وهم معديين من قدام بوابة اتنين في مارينا. العربية عملت حادثة مروعة. زجاجات الخمرة تناثرت في كل مكان. بيقول نزلت اشوف - [00:03:10](#) الاتنين ماتوا لقيت دمهم مختلط مع الخمرة. لقيت الدم امتزج مع الخمر. ومغطين زجاجات الخمرة ومغطين جسد الشابين اللي ماتوا الله يرحمهم احد اخوانا في القاهرة اسمه كريم في رمضان نزل خرج من المسجد لقي اربع شباب قدام المسجد بيستعدوا عشان يركبوا - [00:03:30](#)

عربية وطالعين طالعة احنا في ليلة سبعة وعشرين الوقتي. وفيه شباب الوقت بيمضي. احنا في ليلة سبعة وعشرين الوقتي وفي شباب دلوقت قدام المواقع الاباحية. احنا ليلة سبعة وعشرين الوقتي وفيه شباب وبنات في هوت كورز احنا في شهر ليلة سبعة وعشرين الوقتي وفي شباب ولا كأننا في ليلة سبعة وعشرين نزل - [00:03:50](#) اللي من الاربع شباب قدام المسجد يقول لهم تعالوا صلوا يا شباب. في الاخ مش عارف يقول لهم ايه. ما هواش في دماغه غير كلمة واحدة بس. اللي اللي مش هيعتبر ربنا هيخليه عبرة هي دي اللي عارف يقولها. هي دي اللي قادر يكلمها. فبيقول لهم يا شباب اللي مش هيعتبر ربنا هيخليه عبرة - [00:04:10](#)

فيقول فقعدوا يبصوا له وبعد كده عايزين يمشوا. فشاب فيهم صغير اسمه احمد بيقول له انت بتقول ايه ؟ قال له انا باقول لك يا حبيبي اللي مش هيعتبر ربنا هيخليه - [00:04:30](#) ابرة قال له يعني ايه هيخليه عبرة؟ الشاب مش قادر يقول له اكر من الجملة دي. قعد يقول له يا ابني اللي مش هيعتبر ربنا هيخليه عبرة القصة دي حصلت قدام مسجد في شارع عباس العقاد. احمد وقف محتار ما بين ثلاثة صحابه اللي عايزينه يركب معهم العربية ويطلع في السهرة اللي هم فيها - [00:04:40](#)

وما بين كريم صاحبنا اللي بيشره على المسجد. في الآخر اصحابه الثلاثة شدوه وركبوه العربية معهم. طلوعوا من عباس العقاد وصلوا لآخره على اول على اول الاوتوستراد العربية اللي فيها اربعة شباب دخلت في عمود نور العربية ولعت. اصحابنا بيقولوا الاربعة ما - [00:05:00](#)

ما جوش منها اربع جسس. خرجوا منها بودة. الاربعة اجسادهم تفحمت. والناس قعدت تتفرج عليهم ما حدش قادر يعمل لهم حاجة العربية على الاوتوستراد فترة الناس تنزل تصور فيها. الاربعة شباب طلوعوا منها بودة. الشاب ده اللي ضيعه صحبة السوء. الشاب ده اللي ضيعه - [00:05:20](#)

قوة تردد واقف ما بين اللي بيقول له تعالى المسجد وما بين اللي بيقول له تعال صحراء. لو كان وقف وفكر فكرني بابو طالب. ابو طالب لما وقف والنبي من ناحية بيقول له قل لا اله الا الله. وابو جهل من ناحية بيقول له مت على ملة عبدالمطلب. اتردد لحزات ضيع مصيره. ربنا يغفر لشبابنا - [00:05:40](#)

ولكن يا اخوانا يا اخوانا لحد امتي يا جماعة؟ موتات الشباب بتاعتنا دي موتات شباب امة محمد؟ دي موتات بنات امة محمد دي موتات اهل لا اله الا الله. احد الشباب بيموتوا بتوعنا الوقتي ما بين شرايط التامول وما بين السومادريل والابيتريل وما بين - [00:06:00](#)

ترامادول وما بين تذاكر الهيروين وما بين شبابنا بيموت الوقت ازاى ؟ ما بين صواع الحشيش. احد اخوانا شاف رؤيا ان احنا داخلين على المقابر قاعدين نكسر في القبور. قبر نفتحه نلاقي فيه شاب مات وقبر نفتحه نلاقي فيه شاب لسه بيحتضر. اولتها ان فيه شباب قلبهم - [00:06:20](#)

خلاص مات المعاصي موتت قلبه ما عدناش نقدر نلحقه. وفيه شاب لسه بيحتضر يا يتلحق يا ما يتلحقش. شبابنا الوقتي بقى احوالهم ايه مجموعة من الشباب سهرانيين في شقة وسط المخدرات ووسط نساء وزنا ووسط الخمر شاب منهم في وسط - [00:06:40](#)

فاراد ان هو يبدأ ويفتح موضوع الزنا دخل في حجرة مع واحدة من اللي كانت معهم عشان يقع في الزنا. دقائق وخرجت البنت

وهي بتصرخ الحقوا صاحبكم. الحقوا شوفوا صاحبكم. قام اصحابه يجروا يشوفوه. لقوه ما بيتحركش ولا بينطق. جريوا به على

المستشفى. جروا به على الطبيب - 00:07:00

الدكتور في المستشفى قال لهم صاحبكم مات. مات وهو في وسط كل ده. ده هيقول لربنا ايه؟ هيقول لربنا ايه اللي مات الموتة دي ابو قعد يصرخ قال طب ملك الموت دخل منين؟ ده احنا كنا كلنا قاعدين. ملك الموت دخل ازاي واحنا ما شفنا هوش. ملك الموت خد

روح صاحبنا ازاي؟ - 00:07:20

احنا مش داريين به. ازاي ملك الموت دخل وخرج واحنا مش حاسين! وقعد يصرخ. اللي خد روح صاحبي قادر انه ياخد روحي اللي

خد روح صاحبي قادر انه ياخد روحي وقعد يصرخ وتاب الشاب ده وراح عمرة عشان يبدأ التوبة بتاعته بعمرة واول - 00:07:40

حاجة بعد العمرة قالها اروح ابوس ايد والدتي. زي ما دوقتها المرار والالم علي. انا اول حاجة لازم اعملها ان انا ان انا افرحها. يا اخوانا الشباب عادت حياته كآبة. الواحد لما يبشوف موت الشباب الوقت بيفتكر قول الله وجعلناهم احاديث. انت ترضى انك تبقى حدوة

حدوة في - 00:08:00

بس ليلة سبعة وعشرين واحد طالع يكلم الناس ويزكرهم بالله يتكلم عن نهايتك انها حدوة يا ترى انت هتبقى حدوة حسن خاتمة

ولا تبقى حدوة سوء خاتمة. مين فينا يرضى ان حياته تبقى دي نهايته يا جماعة. يا اخوانا حياة المعصية زل في زل. بنت في نادي

من اكبر نوادي القاهرة - 00:08:20

من اكبر نوادي مصر المشهورة بدأت في الاختلاط. دخلت في التدخين والسجائر. كملت على المخدرات والكيميا. طلعت على البودرة

والهيروين البنت مش عارفة تجيب الهيروين منين. من كتر ما ادمنت واحد ديلر مخدرات بتتوسل اليه ان هو يديها الهيروين قال لها

هديه لك - 00:08:40

بس على شرط واحد قدام النادي كله هحط تذكرة الهيروين على الجزمة بتاعتي. وانت هتنزلي تاخدي الجرعة من على الجزمة

بتاعتي قدام النادي كله. وعملت كده قدام الناس كلها. ايه اللي بيكسبه صاحب المعصية؟ غير انه بيزل نفسه قدام الدنيا. واحنا نازلين

على المشاية - 00:09:00

كلم الشباب من فترة لقينا شاب مركب طقم صوت يجيب عشر تلاف جنيه. وفاتح شنطة العربية وقال المشاية باللاغاني. والشاب

واقف في وسط المشاية بيرقص واصحابه ملفوفين حواليه بيشفجوه. اللي يشوفه يقول ده اسعد انسان في الدنيا. واسعد شاب في

الدنيا. واحد من اخواننا دخل كلمه - 00:09:20

ربنا فتح قلبه. عارفين قال ايه يا شباب؟ عارفين قال ايه يا بنات؟ والله العظيم. قال له انا كنت من ثلاث ايام باحاول انتحر كان من

ثلاث تيام بيحاول يقطع عروقه. كان من ثلاث تيام بيحاول يتخلص من الدنيا. من كتر التعاسة اللي هو فيها. يا اخوانا ورغم -

00:09:40

دي كلها القلوب حجر. اخ معنا هنا اهو. شاب معنا هنا اهو. خمسة صحابه طالعين بعد الفجر في رمضان. الله اعلم كانوا بيعملوا ايه.

وقعوا في الترة اربعة ماتوا وواحد واحد فلاح بسيط شده من العربية انقزه من الموت واصحابه الاربعة ماتوا. دخل المستشفى قعد

اسبوعين - 00:10:00

من كتر الفزع اللي هو فيه والصدمة اللي خدها. تخيلوا لما خرج عمل ايه؟ لما خرج صلى. لما خرج تاب. لما خرج ناب. لما فخرج رجع

لكل الموبقات اللي كان بيعملها. يعني كل التفجيرات دي وما بتتغيرش. الشاب اللي بيقولوا له قل لا اله الا الله. وهو بيموت. قال لهم -

00:10:20

قوم وتنفعني بايه؟ وانا عمري ما سجدت له ولا سجدة واحدة. الشاب اللي بيقولوا له قل لا اله الا الله وهو بيموت. قال لهم وهتعمل

لي ايه ايه وانا ما فيش حاجة حرام في الدنيا ما عملتهاش. الشاب اللي بيموت وبيقولوا له قل لا اله الا الله. قال لهم هاتوا لي فلانة.

حبييتي - 00:10:40

جابوها له جابوها له مسك ايديها وبص لها وقال لها بحبك ومات. ما قالش حتى لا اله الا الله. الراجل اللي كان في سالم اكسبريس لما

غرقت احد مشايخنا احد كبار مشايخنا جري عشان ينقذ الناس وقتها. وعشان يلقنوا الناس الشهادة ويغسلوا الناس. بيقول دخل عليه

[00:11:00](#) -

هو بيموت فبيقول له قول لا اله الا الله. بيقول لقيت الراجل بيقول الشنطة الفلوس شقى عمري. بيقول قعدت اقول له قل لا اله الا الله احنا في ايه ولا في ايه ؟ انت بتموت وهو ما بيغيرش غير الشنطة. الفلوس شقى عمري. بيقول لحد ما مات وما بيقولش - [00:11:20](#)

غير الشنطة الفلوس شقى عمري. الشاب اللي عمل حادسة. واحد جري عليه يقول له قل لا اله الا الله. قعد يغني العيون السود. قعد غني اغنية العيون السوداء الحاجة اللي كان بيستمعها قبل ما يموت. شابنا مش عارف يقول لا اله الا الله عند الموت. شباب امة محمد يا اخواننا - [00:11:40](#)

القوت ده يا فرح يا ميتم! الواحد ساعات بيشفوف خواتيم بيحس انها فرح! عارفين الشيخ كشك الله يرحمه! الشيخ كشك ليلة الخميس بالليل! الليلة اللي صباحيتها بيقول لابنه يا بني النبي مات وعنده كم سنة؟ قال له ثلاثة وستين سنة. قال له الحمد لله. انا تميت النهاردة ثلاثة وستين سنة. صلى الفجر - [00:12:00](#)

توقعت جلسة الضحى وقال لمراته قال لها انا شفت الليلة النبي عليه الصلاة والسلام وسيدنا عمر معه النبي قال لي سلم على عمر سلمت على عمر وقمت واقع ميت ما بينهم هم الاتنين. النبي هو اللي غسلني بايديه عليه الصلاة والسلام. مراته قالت له انت بتقول لي الحلم ده ليه؟ انت بتقول الاحلام الوحشة ليه - [00:12:20](#)

قال لها هو ده وحش! انا اتمنى ان انا ابقى كده. دخل اغتسل غسل الجمعة. خرج بيصلي ركعتين مات وهو ساجد. الموتة دي ميتم ولا فرح شاب اسمه احمد في مصر الجديدة في القاهرة الشاب ده الله يرحمه اخ من اخواني بيقول لي جت لي رسالة - [00:12:40](#)
احمد مات والصلاة عليه الصلاة الفلانية في المسجد الفلاني. بيقول لي رحت فبسأل الناس مين احمد ده؟ لقيت ما حدش عارف. شوية لقيت مجموعة اخوة جايين منح احمد ما حدش عارف. بيقول لي شوية لقيت ولو شيخ كبير مش هيجي له الناس دي كلها تصلي عليه. قاعدين نسأل يا اخواننا مين ده؟ ولا واحد من - [00:13:00](#)

اللي جايين له عارف ده مين بيقول بدأنا نسأل لقينا واحد عارف ده كان خاتم المصحف شوية لقينا واحد تاني عارف ده كان بيحفظ الاطفال قرآن لقينا واحد تالت بيقول لنا ده كان بيكفل اسر فقيرة وببيديها مساعدات. شوية واحد رابع قال لنا ده كان بيصوم صيام داوود يصوم يوم ويفطر يوم - [00:13:20](#)

بيقول اول ما الجسة دخلت المسجد المسجد كله اتملى ريحة مسك. بيقول المسجد كله كان بيصلي وببيكي. وما فيش ولا واحد عارف مين احمد فاصلا ولا كان يعرف مين احمد ده. تاني يوم واحد صاحبه شاف احمد في المنام. فبيقول له انت مش حزين على انك انت مت في عز شبابك. انت مش حزين - [00:13:40](#)

انك مت وانت عندك خمسة وعشرين سنة بيقول لابيه قل له ابقى حزين ازاي؟ وانا بفطر واتغدى واتعشى مع ابن عثمان ابن عفان رضي الله عنه سيدنا عثمان مات صايم وده كان بيصوم صيام داوود. الشاب ده يا اخواننا صاحبي بيقول لي انا حياتي اتقلبت من يوم بوتة - [00:14:00](#)

يا اخوانا ده ده ما يتعملوش ميتم ده يتعمل له فرح. الشاب اللي مات الراجل اللي مات وهو ساجد في الحرم عاش على طاعة ربنا فمات على طاعة ربنا الشيخ عاطف ربنا يبارك فيه اللي كان بيدينا درس التراويح. قريبه سافر يعمل عمرة. الايام اللي احنا فيها ده. من كذا يوم قريبه صلى - [00:14:20](#)

والمغرب في الحرم وصلى العشاء في الحرم وصلى التراويح في الحرم وبعد كده روح الاوضة بتاعته عشان يريح عشان ينزل يصلي التهجد هو داخل البيت بتاعه او الاوضة بتاعته وقع مات. ده مات على صلاة تراويح في الحرم. وعلى نية انه هينزل تهجد. مات -

[00:14:40](#)

على عمرة في مكة مات على على على واتصلى عليه في الحرم المكي تاني يوم الظهر واتدفن في مكة احيانا بتشفوف موتات تحس انها افراح ما هياش مآتم. احد اخوانا في المنصورة هنا هو. اخ من الاخوة البسطاء ربنا يبارك فيه. نزل يروح الشغل بتاعه. اخ -

اب صغير قدكم نزل يروح الشغل بتاعه وزوجته واولاده في البيت. العمارة وقعت كانت عمارة في شارع الجلاء. العمارة وقعت وهو في الشغل كل اللي فيها ماتوا وهم بيطلعوا الانقاض لقوا زوجته الله يرحمها. اخر حاجة ماتت عليها حاضنة المصحف. ماسكة

المصحف في - 00:15:20

طه كانت بتقرأ القرآن لحد اللحزة اللي ماتت فيها. كانت حاضنة المصحف لحد اللحزة اللي ماتت فيها. يا اخوانا احنا معنا شوية افلام معنا شوية مشاهد دلوقتي عايزين نشغلها. عايزين اخوانا يشغلوها لنا. معنا افلام وجاييين شاشة عرض اهوت. ممكن في شاشة برة

وشاشة - 00:15:40

والمسجد وشاشة فوق عند النساء. لو اخوانا اللي معهم البروجكتور يبدأوا يشغلوا الفيلم بتاعها. صور حقيقية. انا بقول لكم النهاردة احنا ريال تي في النهاردة مش آآ احنا مش بنجيب حاجة. انا عايزك تركز معي في الصور اللي موجودة. ويبدأوا يعرضوا فيها. وتبدأ

تركز معي في الصور الحقيقية اللي - 00:16:00

شف ده مغني من اشهر مغنيين الدول العربية. ده الجمهور بتاعه في الحفلة اللي مات فيها. المغني ده هو في الحفلة اللي مات فيها اهو لو هتشوفوا منزله الواد داخل حفلة وفرحان والناس بتسقف له. ما هوش عارف اهو العود بيوقع من ايديه ووقع مات قدام عيني

اهو. العود بيوقع من ايديه - 00:16:20

اللحظة اللي مات فيها عاش على المسرح فمات على المسرح بيموت اهو. العود هيوقع من ايده حالا اهو. اهو ووقع ومات على الارض اشعل مسرح مطعم مسرح. عاش على الاغاني والمعازف. مات على الاغاني والمعازف. صاحبنا عامل لنا منزل موته متكرر مرة تانية.

وهو داخل الحفلة - 00:16:40

واللحظة دي وهو بيموت فيها. وقع مات اهو. والخلايجة مزهولين. من منزل الموت اللي مش متعودين عليه. يا اخوانا مش ده المغني الوحيد اللي قطع المسرح اشهر مغنيين لبنان ماتوا على المسرح بيغنوا. اشهر مغنيين المغرب ماتوا على المسرح بيغنوا. اشهر مغنيين

في الدنيا. عاشوا على المسرح - 00:17:00

بيغنوا ماتوا على المسرح بيغنوا ده منزل المنزل الثاني معنا بعد موت مغني من اشهر مغنيين الدول العربية ولكن مش هنقدر نقول اسمه الوقتي هيبدأ الفيلم يمشي معنا دلوقتي. هنشوف الوقت منظر الخواتيم. الشاب ده مات وهو بيعمل عادة سرية. الشاب ده ما

ماتش - 00:17:20

ده ميت من زمان. ده من بومباي بلد اسمها بومباي. البنت دي ماتت وهي بتصور فيلم اباحي. مش جاييين حاجة غير وشها بس. دي ماتت صور فيلم اباحي. ده لعب. لعب من اللعبة العالمية. وهو قاعد في الملعب زي الاسد. روحه بتخرج اهو قدامكم يا شباب.

شايفين؟ هو بيوقع دلوقتي - 00:17:40

وخرجت ما فيش حد في الملعب متوقع ان واحد بالياقة دي. اهو ثاني المنزل بيتعاد اهو. حاطط ايده على ركبته بعد ما جاب الجون. والكل فرحان ومش واخذ واخذ باله منه والروح بتخرج والجسم بيوقع في سانية. موت الفجأة ممكن يجي لك في لحزة مات. هتشوفه

دلوقتي في فزع الناس. ولكن احنا مش - 00:18:00

الفديو كامل. هتشوفوا دلوقتي رعب الناس. الواحد شاف لعبة كورة ماتت فجأة في مناظر تقطع القلب. اصحابه بييجروا حواليه مش مصدقين اصحابه من فريقين مفزوعين مش قادرين يتخيلوا ان صاحبهم مات بين ايديهم في لحزة اهو ده لعب ثاني اهوت

بيموت. اللعب ده قعد يحاول انه يقوم - 00:18:20

ده اللعب ده اسمه روسيني. لعب في ايطاليا. اللعب ده حاول انه يقوم ومات. ده لعب سعودي تالت. شف منزل خروج الروح. شف منزله وهو اتشقلب في الهواء شف منظره وهو بيرجع لورا بيموت. الروح بتخرج الوقت وما حدش من اصحابه عارف. وما حدش

واخذ باله. شايفين منزل الروح - 00:18:40

وبعد كده هيوقعوا على وشه ده لعب سعودي. لعب في فريق سعودي. مات برضه وهو في الملعب. المنزل ده منزل جسس من بلد

اسمها بومبي بومبيه كانت بلد كلها زنا. وكلها لواط. وكلها عادة سرية. ده منزر شاب مات. ولحد دلوقتي جسته قامت بركان -

00:19:00

البركان صلب الاجسام هتشوفه واحد وهو دول كانوا بيزنوا في وضع زنا والواط والعياز بالله. في هذه البلد اللي ربنا سبحانه وتعالى انزل عليها غضب دول كانوا في وضع زنا. كل ده ده واحد مات البركان طلع غازات سامة شلتهم وهم على وضع الزنا. وبعد كده

00:19:20 البركان اما -

طلع الحمم ده مات وهو بيعمل عادة سرية. الشاب ده هو مات وهو بيعمل عادة سرية. ده مات وهو بيجري بيحاول يجري يشوف اي مكان يستنقز فيه. في سورة قال واحد مات وهو بياكل حتة كيك. ما هواش عارف ان هو هيموت في اللحزة دي. دول ماتوا اهوات والجسس مرمية. كل دول كانوا شباب. بس كل دول كانت - 00:19:40

عليهم البركان ده وهم ده واحد تاني بقى حسن خاتمة. ده واحد داعي الى الله. شايفين الراجل دا هو؟ دا راجل بيتكلم في المسجد عن ربنا يا جماعة الراجل ده دلوقتي هيموت قارن ما بينه وما بين صورة المغني اللي مات. قارن ما بينه وما بين صورة المغني اللي وقع على المسرح. ده مات وده مات بس ده عاش في المسجد فمات في المسجد - 00:20:00

ده عاش على الدعوة الى الله. شف الروح بتخرج اهو. لو بصيتوا لو ركزتوا هتلاقى عينيه بصت لفوق عشان تتبع الروح وقام واقع ميت. اهي السورة دلوقتي تاني. لو ركزت على عينيه هتلاقى عينيه طلعت لفوق طلعة العين لفوق دي. هي لحزة خروج الروح. لان العين بتتبع الروح ساعة الموت - 00:20:20

اهو الميكروفون بيتهز. دلوقتي ملك الموت بياخد روحه بس بكل سلاسة بازن الله. من غير ما يحس ولا كأنه موت خالص. الميكروفون وقع بس ومات عاش على الدعوة الى الله فمات على الدعوة الى الله. عاش بيعمر بيوت ربنا فمات بيعمر بيوت ربنا. انما التاني عاش على المسرح مات على - 00:20:40

فاسرح عاش على المعصية مات على المعصية. اختار الموتة بتاعتك. اللي بيقول انا مش عايز اموت كده بيقى ما تعيش كده. اهو مات وصاحبنا بيعد لنا للمرة الرابعة السورة بتاعته صورة عبرة وعظة واية. سبحان الله الحاجات دي ربنا اراد انها تتصور. عشان كلنا نتعظ يا جماعة. ده واحد مات في - 00:21:00

المسجد النبوي مات وهو ساجد لله. والعساكر والناس واقفين بيحسدوه على الموتة اللي هو ماتها. خلاص كفاية الفيلم كده وقف على الصورة دي وقف على صورة اللي مات ساجد ده ربنا يرزقنا حسن الخاتمة. اخواني في الله. اخواني في الله دي مشاهد حسن خاتمة وسوء خاتمة. انت تحب انك تموت على ايه - 00:21:20

تحب انك تقابل ربنا على ايه؟ الشاب اللي اتطبقت عليه العربية وهو بيقول انا مش عايز اموت كده. انا مش عايز اموت كده. اللي مش مش عايز يموت كده ما يعيش كده. لو مش عايز تموت كده خد بالك من العادة السرية. خد بالك من المواقع الاباحية. اللي عاملة زي اللي راح يشرب من بحر - 00:21:40

كل ده بحر نص مليون موقع اباحي. ده يقينا الواحد هيشبع شهواته. يبقى عامل زي اللي يشرب من بحر. كل ما يشرب يعطش اكثر الشاب بيوصل في الآخر بطنه هتنفجر ما عدش قادر يشرب. وهيموت من العطش. الشاب بيجي لك هيموت بيقول لك انا عايز انتحر. شبابنا الوقتي لما بقعد معهم - 00:22:00

يقول لي انا كل حاجة عندي اتحرقت. المواقع الاباحية اتحرقت. الزنا اتحرقت. ما عدش حاجة لها طعم. ما عدش حاجة لها لون. انا بافكر في اللي انتحار اكثر ما بافكر في الحياة. انا بافكر ان انا انتحر لاني ما عدتش عارف اعمل ايه. واخلص من العذاب اللي انا فيه ده ازاي؟ انا عايز ابعد عن - 00:22:20

مش عشان اتوب عشان الاقي لها لزة لو رجعت لها تاني. يا اخوانا ابعد عن العادة السرية. احد اخوانا كان في بلد من البلاد قالوا له في ام فانت ابنها مات قبل اللي صانص بشهر واحد. صاحبي راح يعزي الام الفاضلة ديت لقاها صابرة ومحتسبة بفضل الله. ولقا اصحابه قاعدين - 00:22:40

هيموتوا من كثر البكاء منهارين من البكاء. بيقول لقيت اصحابه هم اللي عايزين حد يعزيهم. بيقول لي فقعد وسط اصحابه يعزيهم بدأوا يفتحوا له قلبهم قالوا له احنا كنا سهرانيين مع بعض قبل امتحانات الليسانس بشهر واحد نزاكر. سهرانيين في بيت صاحبنا ده.

واحد مننا قال عايزين فيلم من المواقع الاباحية - 00:23:00

نتفرج عليه. كلنا وافقنا. جبننا الفيلم واتفرجنا عليه. صاحبنا شهوته صارت. دخل الخلاء عشان يقع في العادة السرية دخل الخلاء عشان يقع في العادة الشيطانية. دخل الخلاء قعد ربع ساعة. تلت ساعة نص ساعة. بنادي عليه ما بيردش. بنخبط ما بيقتحشي - 00:23:20 كسرنا الباب دخلنا لقينا صاحبنا ميت. واخر حاجة مات عليها هي العادة السرية. واخر حاجة مات عليها. وهو بيعمل العادة السرية ده كان داخل الحمام وما هوش خارج غير على اول ليلة في القبر. عشان ما تموتش كده. اللي مش عايز يموت كده يبعد يا اخواننا. يا

اخوانا موت الفجأة - 00:23:40

موت الفجأة بقى اكثر مما نتخيل. الواحد ما كانش والله ما هو عارف يقول قصص ايه ويسيب قصص ايه. موت الفجأة بقى اكثر مما نتخيل كان عندنا في سنة من السنين العشرة الاوائل على الدفعة في كلية طب. عملوا لهم رحلة تكريم لهم مخصوص. وهم في

الاتوبيس الاتوبيس عمل حادثة. العشرة - 00:24:00

الاولاني نقلوه مستشفى الطوارئ عشان لسة فيه روح. اصحابه عملوا مظاهرة حوالين المستشفى. عشان يجيبوا طيارة ينقلوا صاحبهم لاوروبا رئيس عميد الكلية نزل قال لهم والله لو فيه امل انه يعيش في اي مكان في الدنيا كنا نقلناه. انما خلاص صاحبكم

مات - 00:24:20

خلاص صاحبكم مش هيعيش لا يمكن طبيا ان صاحبكم يعيش. ومات الشاب ده الله يرحمه احنا شفنا اللعيب اللي مات دهو ام روسيني دهو بروسيني وشفنا الفيديو بتاع موت وقلبك يتقطع. الكل بيجري في الملعب وده فجأة ملك الموت نزل بياخد روحه. وقع على الارض هو مش بيصدق مش مصدق انه ييموت اصلا - 00:24:40

منزله وقع ومصمم يقوم. جه يقوم قام واقع ثاني. ما هوش فاهم انه ييموت. جه يقوم تالت ابو واقع تالت. فضل حاول يقوم ويقع لحد ما استسلم خلاص. ما عدش قادر ومات. ومات. يا اخوانا في الله موت الفجأة بقى كتير جدا. اللي مش - 00:25:00

عايز يموت كده ما يعيش كده واحد هيقول لي يعني انت عايز ايه؟ يعني انت عايزني اسيب ايه؟ اسيب المواقع الاباحية واسيب البنت اللي باحبها واسيب المخدرات واسيب ترامادول وسب العادة السرية سب سيب يا بني سيب سيب بمزاجك قبل ما تسيب غصب عنك سب بارادتك قبل ما تموت - 00:25:20

غصب عنك وتتحاسب على اللي انت ما سبتوش. تضمن منين؟ انا كنت واقف بكلم شاب وفتاة وكان الضهر ادن بقى له ساعتين ساعتين ونص. وبقول قلت له يا ابني العصر هيدن يا ابني رح لبن داء ربنا. يا ابني الكلمة اللي قالها الشاب كريم. لاحمد في شارع عباس العقاد قبل ما احمد يموت بعشر دقائق - 00:25:40

في القصة اللي قلتها لكم من شوية. باقول له يا ابني لو ما اعتبرتتش هتبقى عبرة. يا ابني احنا مش بنلعب. يا ابني انا مش باكلمك عن بنطلون في فاترينة نفسك - 00:26:00

تجيبه وما عكش فلوس وزعلان. ولا بكلمك على بنت بتحبها نفسك تتجوزها. ولكن اتقدم لها واحد احسن منك واهلها وافقوا عليه. ولا بكلمك عن كان نفسك تطلع نضيف منهم السنة اللي بعدها. ولكن شلتهم وطالع زعلان. يا ابني انا باكلمك عن مصيرك. انا باكلمك عن اخطر قضية في حياتك - 00:26:10

انا باكلمك في اخطر موضوع في حياتك. يا ابني الدنيا دي كلها خمسين سنة. يوم القيامة لوحده خمسين الف سنة. يا ابني انت ممكن تتجوز وممكن ما تتجوزش؟ ممكن تخلف وممكن ما تخلفش. ممكن تختنع وممكن ما تختناش. انما مش ممكن تموت وممكن ما تموتش. يا ابني هتموت. يا ابني - 00:26:30

تقول لربنا ايه الشاب ده انا وقفته في الشارع هو والبنت. الشاب ده يا جماعة مات بعد اتنين وسبعين ساعة. هو لا راح صلى ولا طب البنت مات بعد اتنين وسبعين ساعة في اوفردوز واصحابه كان بيشرب معهم على الطريق رموهم العربية وطلعوا جرم. بعد اتنين

وسبعين ساعة مات في - 00:26:50

اوفر دوس الله يرحمه. ولكن انا عايز اقول لك تضمن منين ؟ احد اخوانا بعد ما تاب. وكان شاب بعيد جدا عن ربنا. انا كنت باخاف اكلمه قبل الالتزام لما تاب فبيكلم اتنين اصحابه عشان يتوبوا الى الله. فواحد منهم قال له بص انا هتوب زي ما انت تبت. بس بعد ما اعيش زي ما انت عشت قال له تضمن - 00:27:10

منين ؟ انا كنت انا وواحد صاحبي في كل طلعة مع بعض. بنقضي مع بعض في كل مصيبة مع بعض. هو مات فجأة. رحت دفنته بايدى ورجعت. هو وفرصة خلصت وانا ربنا اداني فرصة ثانية. تضمن منين ان انت اللي هتاخذ فرصة ثانية. يا اخوانا اللي بيقول انا مش عايز اموت كده ده كل - 00:27:30

الناس دلوقتي وقف اي حد في الشارع قل له انت جاهز تموت يقول لك لأ انا مش عايز اموت كده. طب عايش كده ليه ؟ ما هو انت لو عشت كده هتموت كده - 00:27:50

في قوانين يا جماعة يا اخوانا يا شباب يا بنات تخيلوا الوقتي لو جوزك دخل عليك فجأة قال لك يلا يلا جهزي شنطتك بسرعة ايه ده احنا مسافرين مسافرين فين جمصة ولا راس البر؟ مسافرين السعودية بعد اسبوع ولا اسبوعين بعد خمس ساعات الطائرة هتطلع - 00:28:00

يا عم انت اتجننت! طب وهنقعد قد ايه عمرة ولا ايه! ده احنا هنقعد هناك عشر سنين. يبقى ده مجنون ولا لأ ؟ انا عايز اقول لك ان فيه واحد هيدخل عليك فجأة. بس - 00:28:20

مش هياخدك من مصر للسعودية. هياخدك لعلم ثاني خالص. ومش هياخدك عشر سنين. هتروح وما انتش راجع ثاني للابد. ومش هياخدك ويقول لك بعد خمس ساعات المرواح ده هيقول لك حالا اهو اسمه ملك الموت. ملك الموت ده هيدخل علينا كلنا. هو الكلام اللي انا بقوله ده يا شباب ده تطرف - 00:28:30

الكلام اللي انا بقوله لك الوقتي ده ده تشدد يا اخوانا لما الكلام عن الموت يبقى تشدد. يا حبيب قلبي انا خايف عليك. لو ما فيش غير واحد في الدنيا - 00:28:50

بيحبك هيبقى اللي بيكلمك دلوقتي عن ربنا. لو ما فيش غير واحد في الدنيا هينصحك بصدق. هيبقى احنا انا باحبك. انت حبيبي. وانت انا لما باكلمك باكلمك لاني باحبك. لان احنا اللي فعلا خايفين عليك. احنا اللي فعلا نفسنا انك تبقى احسن واحد في الدنيا وفي الاخرة. احنا اللي - 00:29:00

يقهر قلبنا. اي حزن او اي الم تتعرض له. اللي نفسه انك تعيش سعيد. واللي نفسه انك تعيشي سعيدة. اللي نفسه انك تاخذ الدنيا وتاخذ خد الاخرة هو احنا يا جماعة يا اخوانا الكلام ده مش شدة الكلام ده حب الكلام ده خوف الكلام ده لما تهز اختك الصغيرة وتقول لها انا خايف عليك - 00:29:20

انا خايف عليك انا نفسك انك تبقي احسن واحدة في الدنيا. واسعد واحدة في الدنيا. اللي مش عايز يموت كده يبعد عن سكة البنات. وتبعد عن سكة الاختلاط المحرم ويبعد عن سكة الزنا. وانا عارف ان معزم الشباب لسة بخير. ولكن فيه شباب كثير اوي. للاسف ما عدش كده يا جماعة - 00:29:40

يا اخوانا انا لي واحد اعرفه شاب من الشباب كأنه واقف قدامي لسة فاكر منزله بالتشيرات الابيض ومنزله بالحلقة اللي هو حالقها. شاب محترم وسيم وقوي في يوم من الايام صحينا عرفت ان هو مات فجأة على الطريق السريع وكان معه بنت في العربية اهله من الفضيحة - 00:30:00

ما رضوش ان هم يصلوا عليه. اتكسفوا احسن الناس تقول لهم مات ازاي ؟ دفنوه الساعة اتنين بالليل من غير ما حد يصلي عليه. الله يرحمه كان فيه كورة ماشية في محافظة جنبنا وفي صف عربيات جنب راكن على النيل. المقطورة طلعت داست كل العربيات. الناس قعدت تخلص في العربية - 00:30:20

اللي كان آآ يعني يشتبه ان فيها حد وسابوا عربية متغطية متغطية من برة لا يمكن يكون فيها حد. لحد ما لقوا دم بينزف منها

بيشوفوا العربية دي فيها ايه ؟ لقوا كان شاب وفتاة في وضع زنا في اللحظة ده ايه ؟ يا اخوانا الشاب اللي مسك ايديها وهو ويموت وقال لها بحبك وبعد كده - [00:30:40](#)

ده اللي انت بتقابل به ربنا. احذر احذر من ترك الصلاة. لو مش عايز تموت كده اوعى تسبب صلاة. يا شباب يا بنات الصلاة ابليس اطرده سبع سماوات بسبب سجدة. احذر من ترك الصلاة. الراجل اللي كان عنده فندق في وش الحرم وعمره ما دخل يصلي في الحرم -

[00:31:00](#)

الراجل ده مات وهم شايلين الجنازة بتاعته ويدخلوها من باب الحرم. عشان يصلوا عليه. ولا باب عرفوا يدخلوا منه الجسة. ولا باب نفع يدخلوا منه الجسة ومات من غير ما ربنا يأذن له انه يصلي عليه في الحرم. احذر. الصلاة ما يتلعبش فيها. اخف - [00:31:20](#)

اقل عالم اتكلم في حكم الصلاة في التاريخ اقل عالم من علماء الامة الاسلامية على مدى الف وربعمية سنة. قال لك ان تارك الصلاة اشد عند ربنا من الزنا والقاتل وشارب الخمر ده اقل حكم. ابن عباس بيقول كافر وابن مسعود بيقول فاجر. الشافعي بيقول كافر

- [00:31:40](#)

وابو حنيفة بيقول فاسق. الشافعي ومالك قالوا تارك الصلاة يقتل حدا. يقتل. انت عارف يعني ايه تارك الصلاة؟ تارك الصلاة اللي ساب ثلاث فروض ورا بعض من غير عفا تارك الصلاة مش اللي بقى له سنة ما صلاش. مش اللي بيصلي خمس شهور ويشيب خمس شهور. تارك الصلاة اللي بيضيع ثلاث فروض ورا بعض من غير عزز. المالك والشافعي - [00:32:00](#)

قالوا يقتل حدا. ابو حنيفة قال يتحبس حتى الموت لو ما صلاش. يعني الاعتقال حتى الموت. الامام احمد قال يستتاب ثلاث تيام. لو لم يتب يقتل انت متخيل يعني ايه تارك صلاة؟ انت متخيل يعني ايه انسان صايم صلاة؟ لو مش عايز تموت كده احذر من صحبة السوء - [00:32:20](#)

شريف شاب من الشباب في منطقة من مناطق القاهرة الراقية ما كانش كبير يا شباب. كان في اولى سانوي. ما كانش كبير يا بنات. كان في اولى سانوي الشاب ده كان من بيت للمسجد ومن المسجد للبيت. كان فيه صالة بلياردو ما بين المسجد والبيت. بدأ يبص لها ويشتاها. بقى من البيت للملياردو للمسجد ومن - [00:32:40](#)

البلياردو للبيت اول ما اتعرف على صحبة السوق هناك بدأوا يتريقوا عليه. مسجد ايه يا عم الشيخ؟ خدنا تحت جناحك يا عم الشيخ. تعال اركي لي العربية يا عم الشيخ بدأوا يتريقوا عليه. بقى من البلياردو اللي لبيتهم البيت للبلياردو. الشاب ده وهو معدي مرة رايح يقضي. رايح يشتري مخدرات من الاف بي اي في - [00:33:00](#)

القاهرة الكاب بتاعه وقع على الاوتوستراد. بيوطي يجيبه جات عربية نقل شالته مات. كان معه واحد صاحبه ضارب مخدرات. صاحبه مش من كتر التهمة اللي هو فيها مش عارف انه مات. بيقول له ايه يا شريف انت هزارك تقيل ليه؟ ما هوش عارف انه مات. ما هواش عارف ان صاحبه مات - [00:33:20](#)

الشاب ده يا جماعة مات في الجنازة بتاعته احد اخواني في القاهرة اسمه مصطفى طلع على الجنازة شاف كل اصحابه واقفين يشربوا سجائر منها السجائر الملغمة والسجائر اللي مش ملغمة. الولد انطلق فيهم. اخويا وصاحبي ده انطلق صرخ فيهم. قال لهم يا شباب هتتغيروا امتي يا شباب؟ يا شباب هتفضلوا لحد امتي - [00:33:40](#)

كده يا شباب واحد من الشباب خده على جنب وقعد يضحك قال له يا عم انت شادد كده ليه ؟ يا عم انت شادد نفسك اوي كده ليه ؟ خد رقم الشاب ده - [00:34:00](#)

وبدأ يتابعه بالتليفون. بيقول لي اتصل بالشاب ده بعد سنة من الموقف ده. اتصل به بعد سنة. الشاب كان عارف اسم صاحبي اسم مصطفى اتصل به بعد سنة بيقول اخوه رد علي قال له مين ؟ قال له انا مصطفى. قال له عارفك. انا عارفك ده كان لسة بيقول اسمك الوقتي. ده كان لسة بيقول يا ريتني كنت - [00:34:10](#)

كنت مع مصطفى ده كان لسة قاعد يلعن في صحابه واحد واحد ويدعي على اصحابه واحد واحد. هو اخوك فين ؟ اخوه في مستشفى بسبب قدركم ضعفتها ويموت. ثاني يوم الشاب ده مات. وانا كنت في جنازة الشاب ده وواقف وشفت اصحابه على الجنازة.

اخوه سلم على اصحابه. قال لهم - 00:34:30

صاحبكم مات قدام عينيكم. اتعزوا والحقوا نفسكم. قلت سبحان الله! شاب من الشباب دول اللي ماتوا عملوا له صدقة جارية كولدير مية في مصر الجديدة صاحبي بيقول لي كولدير الماية ده المفروض الناس تشرب منه. قال لي ولا واحد بيشرب منه. قال لي عارف مين اللي بيشرب من الماية ديت؟ قلت له مين؟ قال لي - 00:34:50

الشباب اللي بيلفوا مخدرات وهو بيلف سجاير المخدرات لازم ريقه يبقى مبلول عشان يعرف يلف السيجارة. بيروحو الكولدير ده يبلوا لسانهم عشان يلفوا سيجارة المخدرات. بدل ما هي حسنة جارية بقت سيئة جارية. يا اخوانا الموضوع كبير. الشباب اللي يموت في اوفر دوس كتير كان فيه فيلم معنا - 00:35:10

اللي مات وهم بيشربوا مخدرات في اوفر دوس من بشاعة الفيلم قلت لصاحبي لأ الفيلم ده ما تعرضوش لانه ابشع من ان انا نفسي اقدر احتمله منهم واحد مات في شقة لحد ما الدبان والنمل قعد ياكل في جسمه وهو ميت اوفر دوس والعياز بالله عرفوا من ريحة الموت - 00:35:30

ريحة تعفن الجسة بعد الموت. اخواني في الله خلاص الفيلم اللي احنا كنا بنعرضه انتهى. والفيلم اللي احنا كنا بنعرضه خلص والتعليق عليه في النهاية انت هتبقى حدوتة حسن خاتمة ولا هتبقى حدوتة سوء خاتمة؟ في النهاية اللي بيكلمك الوقت ده بيحبك والله العظيم بيحبك. اللي - 00:35:50

الوقتي والله ممكن يباتوا ليالي بيبكم من كتر رغبتهم انك تبقى احسن انسان في الدنيا. من كتر رغبتهم انك انت ترجعي لربنا اللي بيكلموكوا عن ربنا هم اكثر ناس نفسهم انكم تبقوا سعداء في الدنيا وفي الآخرة. يا شباب يا شباب الحياة فرص - 00:36:10 واحد ملياردير في قناة اجنبية عاملين معه حوار. فالمزيع بيقول له انت ازاى وصلت للسروة الفاحشة دي؟ الراجل طلع شيك من جيبه ومضاه على بياض واداه للمزيع قال له الشيك ده بتاعك. اكتب اي مبلغ انت عايزه لو كتبت خمسين مليون دولار بقوا بتوعك. المزيع اترك. انا هابقى غني في لحزة! انت بتتكلم - 00:36:30

بجد قام شادد الشيك منه. قال له انت جا لك الفرصة انك تبقى غني وانت اللي ضيعتها. انا لو مكانك عمري ما هاضيع الفرصة. انا ربنا جعلني غني لان ما ضيعت فرصة. يا شباب احنا في ليلة سبعة وعشرين. احنا الوقتي يا بنتي فرصة. انت الوقتي بركعتين تبكي فيهم دمعة بين ايدين ربنا. وتقول له يا - 00:36:50

رب تبنا الى الله ورجعنا الى الله وندمنا على ما فعلنا. ربنا يتوب عليك. ربنا يتوب عليك. تبقى صفحة جديدة مع ربنا يا اخوانا احنا فرصة الليلة دي ما نضمنش هتيجي علينا ثاني ولا لأ؟ انا بادئ اتكلم بقى لي قد ايه؟ لو بدأ لي دقيقة دقيقة يعني ستين - 00:37:10 سانية يبقى فيه مية وعشرين واحد مات على ما الدقيقة خلصت. لو بقى لي نص ساعة يعني ثلاثين دقيقة. يبقى كم؟ ثلاثين في ستين يبقى فيه الف تمنيمت واحد ماتوا. على ما النص ساعة خلصت. يا جماعة الموت عامل زي الفرامة. ما بيسبش. مش هيسيب ولا واحد مننا. لازم كل واحد مننا - 00:37:30

يستعد كويس اوي اخر حاجة بقولها وانا في اولى كلية وواحد صاحبي جه قال لي اية الاية ديت من اسباب التزام الحد النهاردة داخل الكلية والدنيا والفتن والشهوات وكل اللي انت نفسك فيه. واحد صاحبي جا لي في البيت قال لي ربنا بيقول ولو ان اهل القرى - 00:37:50

امنوا واتقوا لفتحنا عليهم بركات من السماء والارض. قلت له انت بتقول ايه؟ الاية دي في القرآن قال لربنا بيقول ولو ان اهل القرى امنوا واتقوا لفتحنا عليهم بركات من السماء والارض. انا كنت - 00:38:10

جنن صاحبي نزل وانا حسيت ان انا ما عدتش عايز انام. هو ربنا بيقول لي تعال لي وانا هاديك الدنيا. تعال لي وانا هاديك كل حاجة. تعال وانا هافتح عليك. يا اخوانا احنا ما لناش غير ربنا. يا اخوانا عبدالرحمن ابن عوف لما بدأ يتاجر في المدينة من الصفر مع النبي عليه الصلاة والسلام. قال ظننت ان - 00:38:30

لو رفعت حجرا لوجدت تحته ذهب. بيقول انا ربنا فتح علي في الرزق لدرجة اني لو شلت حطة طوب هلاقي تحتها ذهب. والله العظيم

الكلمة دي الواحد شافها من بعد ما اتخرج تلاقي اصحابك وزمايلك الدنيا مقفلة في وشهم وابواب الرزق مقفلة في وشهم. وانت

بتقفل - 00:38:50

في الابواب الرزق من كتر ما انت هتغرق من كترها. بتقفل ابواب كل حاجة الناس بتتمناها في الدنيا. من كتر ما انت مش عايز الدنيا تغرقك يا اخوانا اللي مع ربنا ربنا معه. واللي هيرضي ربنا ربنا هيرضيه. واللي هيقبل على ربنا ربنا هيقبل عليه. يا شباب من اتقاه -

00:39:10

هو قاه ومن توكل عليه كفاه. يا جماعة احنا ما لناش غير ربنا. لما عوف عبدالرحمن بن عوف عارف ان الفقراء بيدخلوا الجنة قبل قال له السيدة عائشة قال لها يا ام المؤمنين وماذا افعل؟ اذا كنت انفق مائة فيخلف الله علي الفا. اعمل ايه؟ ربنا - 00:39:30

ففتح علي طول ما انا في طاعة ربنا. انا الوقتي اتكلمت. الكلمة اللي انا كنت عايز اقولها. دلوقتني الشيخ علي قاسم هيجي ويكلمنا في الدقائق داهية خط السير ايه؟ طب نعمل ايه؟ طب الروشة العملية ايه؟ طب نتوجه ازاي؟ طب الحل العملي ايه؟ يا شباب -

00:39:50

احنا عملنا لكم خط اسمه مفتاح لقلبك. خط هاتف عليه شباب زيههم زيك. ولكن ربنا فتح عليهم بعد ما كانوا غارزين في المعاصي. مستني تهينك تحت اشرافنا ومعنا. وممكن احنا اللي نرد عليه كمان. طب معنا شباب هيفيدك ياخذ بايدك يقابلك يعرفك تعمل ايه -

00:40:10

خط التليفون ده انا عايز كل واحد منكم يحفزه. كل واحد منكم يحفزه من الشباب. عشان يتصل عليه يعرف يوصل لربنا ازاي. خط التليفون ده رقم مميز مش محتاج انك انت تحفزه في حاجة. مش محتاج انك تكتبه. خط التليفون ده خط افتح لي قلبك. صفر

عشرة اتنين وعشرين ستة - 00:40:30

اتنين وعشرين الف خط مش محتاج انك انت تحفزه. صفر عشرة اتنين وعشرين ستة اتنين وعشرين الف اخونا الشيخ علي القاسم فين؟ هو الشيخ علي قاسم ييجي يقول لنا الوقتي في الدقائق دي. خط السير ايه؟ ونعمل ايه عشان ما - 00:40:50

ما ترجعش تاني ونعمل ايه عشان ما نرجعش. بعيد عن ربنا سبحانه وتعالى - 00:41:10